

Cofnodion Cyfarfod Cyngor Cymuned Llanfihangel Ystrad a gynhaliwyd ar Nos Fawrth, 14eg Medi, 2021 am 7.30 yn Neuadd Dihewyd

Cynhaliwyd y cyfarfod gyda'r holl weithdrefnau a phrotocolau isod ar waith.

- Gosod bordydd a chynnal pellter cymdeithasol o 2 fetr.
- Gwisgo masg trwy gydol y cyfarfod.
- Darparwyd hylif dwylo ar bob ford
- Cadwyd y sesiwn yn gryno
- Paratowyd Asesiad Risg

PRESENNOL

Cynghorwyr : Gerwyn Owen, (Cadeirydd) Alan Henson) Lynford Thomas Glyn Davies, Johnny Davies, Harry Williams, Lyn Williams, Owen Llywelyn, Hywel Ifans.

1. YMDDIHEURIADAU

Cyng. Haf Hughes, Daniel Evans

3. PERSONOL

Estynwyd cydymdeimlad â'r Cyng. Owen Llywelyn ar golli ei ewythr yn ddiweddar ac estynwyd dymuniadau da i'r Cyng. Lynford Thomas yn dilyn pwl o anhwylder yn ddiweddar.

4. DATGELU BUDDION PERSONOL

i. Cynllunio A210752 - Hendre Einon, Abermeurig, Lampeter. SA48 8PP

5. COFNODION

Cadarnhawyd cofnodion 13/07/2021. Cynigiwyd gan y Cyng. Glyn Davies ac eiliwyd gan Y Cyng. Alan Henson.

6.. MATERION YN CODI

5 iii. Hywel Dda. Derbyniwyd ateb yn ein cyngori i gysylltu â'r Meddygfa Tan-y-Fron yn uniongyrchol os am ragor o wybodaeth.

10.iii Cyflymder Traffig Cribyn. Anfonwyd llythyr at Mathew Collins ar y 15fed o Orffennaf, yn datgan siom am agwedd y Cyngor Sir tuag at gydweithio â'r Cyngor Cymuned ond ni dderbyniwyd unrhyw ymateb hyd yn hyn. Yn dilyn llythyr â ymddangosodd yn y Cambrian News yn son am yr un broblem, fe wnaeth Y Cyng. Lyn Williams a'r Clerc ymweld â Mr. Terry Smith i adrodd ar yr hyn y mae'r Cyngor Cymuned yn ei wneud parthed y mater. Yn dilyn trafodaeth, penderfynwyd rhoi cynnig i'r Cyngor Sir unwaith eto am fesurau atal spîdo ychwanegol.

7. ADRODDIAD Y CYNGHORYDD SIR

Cafwyd adroddiad gan Y Cyng. Lynford Thomas am ei waith dros fisoedd yr haf gan gynnwys newyddion bod tri thŷ wedi eu clustnodi ar gyfer teuluoedd o Afghanistan. Crëwyd pwyllgor arbennig ar gyfer craffu ar geisiadau cynllunio ac o ran Covid19 nododd bod y rhifau'n codi a wedi dyblu o fewn wythnos I 496.6/100,000.

8. CYLLID

- i. Cyflwynwyd, trafodwyd a derbyniwyd y gyllideb hanner blwyddyn 2021-22
- ii. Tâl y Clerc mis Gorffennaf £199.41
- iii. Derbyniwyd Ad-daliad TAW o £55.91
- iv. Derbyniwyd ail daliad Praespet 31/7/2021 £3316.67
- v. Gweddill yn y banc £9,531.00

vi. Gwariant Prosiect Cymunedol

Cais Gweithgor Dyffryn Aeron – ni drafodwyd y cais yn llawn a phenderfynwyd ei gynnwys ar yr Agenda mis nesa.

- vii. Bocsus Blodau – Yn dilyn trafodaeth penderfynwyd archebu 10 bocs ar £55,00 yr un. Penderfynwyd gofyn i Stuart Akkermans, Gerddi Cae Hir i roi cyngor am y blodau fydd eu hangen.
- viii. Adnoddau ar gyfer newydd-ddyfodiaid. – Ni drafodwyd.

9. CYNLLUNIO

A210752 - Hendre Einon, Abermeurig,. SA48 8PP. Yn dilyn trafodaeth penderfynwyd derbyn y cais yn unfrydol. Cynigiwyd gan Y Cyng. Owen Llywelyn ac eiliwyd gan Y Cyng. Lyn Williams.

10. CYFARFOD CAVO

Ymunodd y Clerc â'r weminar hwn yn amlinellu rheolau newydd Covid. Yn ystod y cyfarfod pwysleisiwyd bod angen i drefnwyr digwyddiadau yn ogystal â'r rhai sy'n gofalu am neuaddau baratoi Asesiad Risg cyn cynnal digwyddiadau. Cadarnhaodd y Cadeirydd bod Pwyllgor Neuadd Dihewyd eisoes wedi mabwysiadu templad Asesiad Risg y Cyngor Sir.

11. PABI GWYN

Yn dilyn trafodaeth, penderfynwyd archebu dau dorch pabi gwyn i'w cyflwyno ar Sul y Cofio gyda'r ddau dorch pabi coch. Cynigiwyd gan Y Cyng. Owen Llywelyn ac eiliwyd gan Y Cyng. Lynford Thomas.

12. GOHEBIAETH

- i. Llythyr wrth Havav yn holi am wirfoddolwyr. Yn dilyn trafodaeth ac awgrym gan Y Cyng. Harry Williams penderfynwyd arddangos yr hysbyseb ar yr hysbyfyrddau cymunedol.
- ii. Derbyniwyd holiadur gan Ben Lake ynglyn a Chyfrifon a Gwasanaethau Banc Cymunedol – cwblhawyd yr holiadur gan y Clerc.
- iii. Cau ffyrdd:

21 Medi o 8.00 tan 5.00 Gwaith BT Talsarn B4342

13 – 17 Medi am 10 munud ar y tro – Llanybydder, Llanwnnen, Ffrwd.

13. TROSOLWG GWAITH YR HAF

- I. Tafarn Dyffryn Aeron. Bu nifer o'r aelodau mewn cyfarfod i drafod dyfodol Tafarn y Vale.
- II. Gwobr y Gymuned. Dewiswyd tarian o Siop Siant. Dosbarthwyd taflenni enwebu.
- III. Anfonwyd y Datganiad Blynyddol am gostau Cyngorwyr - Nil Return - at Banel Annibynnol Cymru
- IV. Anfonwyd cefnogaeth i'r Adran Gynllunio am y ceisiadau isod:
A210696 – Adeiladu tŷ drws nesa i Y Dolau, Felinfach,, SA48 8AE
A210752 - Hendre Einon, Abermeurig, SA48 8PP
- V. Ni ddatganwyd unrhyw wrthynebiad i'r enw BRO MEGAN ar yr ystad o dai newydd yn Ystrad Aeron.

14. UNRHYW FATER ARALL

- i. Soniwyd yn fras am gynlluniau sydd ar y gweill i gynnig bod cyfarfodydd dros y we yn medru digwydd law-yn-llaw â chyfarfodydd wyneb-yn-wyneb.
- ii. Nododd Y Cyng. Glyn Davies ei bryder parthed y cynnydd yn y defnydd o gyffuriau ymysg pobl ifanc Felinfach a'r ardal. Yn dilyn trafodaeth hir, penderfynwyd yn unfrydol hala llythyr at Gomisiynydd yr Heddlu a'r Prif Gwnstabl.
- iii. Nododd Y Cyng, Lyn Williams bod arwydd pentre' Cribyn o gyfeiriad Temple Bar wedi diflannu. Penderfynwyd cysylltu â'r Sir.
- iv. Cinio'r Cadeirydd. Yn dilyn trafodaeth penderfynwyd cynnal Cinio'r Cadeirydd ym mis Tachwedd. Cynigiwyd gan y Cyng. Harry Williams ac eiliwyd gan Y Cyng. Alan Henson.
- v. Oherwydd problemau gyda'r sain yn Neuadd Felinfach, penderfynwyd cynnal y cyfarfodydd yn Neuadd Dihewyd hyd nes y bydd modd defnyddio'r 'stafell

fach yn Neuadd Felinfach. Does dim modd cynnal cyfarfodydd yn Ysgol Cribyn ar hyn o bryd oherwydd nad oes disgyblion yna bellach a'r Sir wedi gwagio'r Ysgol o'r dodrefn

15. DYDDIAD A LLEOLIAD Y CYFARFOD NESAF

Nos Fawrth, 12fed Hydref, 2021 yn Neuadd Dihewyd